

4640 $\frac{2075}{10000}$ ruten / vnd der Pfeil D E 1255 $\frac{6}{10}$ ruten .

Diese Quæstion werden die jenigen / so vnser vorgehende vnserweisung wol verstanden / leichtlich solviren könnē / welche wir auch dem liebhaber dieser kunst zur übung vnserer Tafeln hieher gesetzt vnd vorgegeben haben wollen.

Nota. So yemandt einige calculation durch vnser Tafeln bezert zu thun / in einer auffgab / darin die linien vnd seiten nicht sehr lang / mag er wol zwo oder drey ziffer weniger als solche tafel inhalt gebrauchen / die selbe zur rechten abkurtzen oder fahrē lassen / welches wol ohne merckliche differentz oder fehler (wie dan in solches in allen Tafeln der gebrauch) geschehen kan.

Hiemit wollen wir dis ander theil vnserer Practica des Landmessens beschliessen / nicht zweiffelende das den ienigē / so solche lehr woll verstanden / kein form einiges Landts oder Feldts soll vorkommē (wie das auch gelegen / begänglich oder vnbegegnglich) das sie nicht kunstlich sollen messen / vnd dessen inhalt calculiern können / dan kein Landt vorkommen mag / das nicht mit rechten oder geraden / krummen oder gebogenen linien / oder mit beiden zusammē beschlossen / welches hernach in Triangel / Quadrata / Parallelogramen / Circelbogen / etc. mag vertheilt worden.

Ende dieses andern theils.